

四經同卷

五王經

孝四

出家功德經

梅檀樹經

乙

類多和多耆經

佛說五王經

失譯 今附東晉錄

昔者有五王國界相近共相往來不相攻伐  
 唯作善友其最大者字普安王習菩薩行餘  
 四小王常習邪行大王憐愍意欲度之呼來  
 上殿共相娛樂乃至七日終日竟夜作倡伎  
 樂七日已滿四小王共白大王言國事甚多  
 請還政治大王語諸左右嚴駕車乘群臣吏  
 民都共送之至其半道大王憐愍意欲度之  
 語諸小王曰各說所樂悅樂之情  
 一王荅言我願欲得陽春三月樹木榮華遊  
 戲原野是我之樂  
 一王復言我所樂異願我常作國王鞍馬服

飾樓閣殿堂官屬人民圍遶左右晃晃煜煜  
 搥鍾鳴鼓出入行來路人傾目是我之樂  
 一王復言我所樂異願復得好婦好兒端正  
 無雙共相娛樂極情快意是我之樂  
 一王復言我所樂復異願我父母常在多有  
 兄弟妻子羅列好衣美食以恣其口素琴青  
 衣共相娛樂是我之樂各自說其所樂竟四  
 王俱迴頭白其大王所樂何事大王荅言我  
 先說卿等所樂然後說我之樂卿一人言陽  
 春三月樹木榮華遊戲原野秋則彫落非是  
 久樂卿一人復言願我常作國王鞍馬服飾  
 樓閣殿堂官屬人民圍遶左右晃晃煜煜搥  
 種鳴鼓出入行來路人傾目往古諸王隱隱  
 軼軼快樂無極福德轉盡諸國相伐忽然崩  
 亡非是久樂卿一人復言願得好婦好兒端  
 正無雙共相娛樂極情快意一朝疾病憂苦  
 無量此非久樂卿一人復言願我父母常在  
 多有兄弟妻子羅列好衣美食以恣其口素

琴青衣共相娛樂一朝有事為官所執繫閉  
在獄無有救護此非久樂四人俱問王樂云  
何王言我樂不生不死不苦不樂不飢不渴  
不寒不熱存亡自在此是我樂四王俱言此  
樂何處當有明師大王答言吾師号曰為佛  
近在祇洹精舍諸王歡喜各詣佛所誓首作

李四

二

禮退坐一面大王胡跪合掌白佛言我等今  
得為人間鈍無知但深著世樂不知罪福願  
佛為弟子等說其苦諦佛言卿等善聽當為  
汝說人生在世常有無量眾苦切身今粗為  
汝等略說八苦何謂八苦生苦老苦病苦死  
苦恩愛別苦所求不得苦怨憎會苦憂悲惱

苦是為八苦也何謂生苦人死之時不知精  
神趣向何道未知生處並受中陰之形至三  
七日中父母和合便來受胎一七日如薄酪  
二七日如稠酪三七日如凝酥四七日如肉  
瓣五胞成就巧風入腹吹其身體六情開張  
在母腹中生藏之下熟藏之上母啜一杯熱

食灌其身體如入鑊湯母飲一杯冷水亦如  
寒冰切體母飽之時迫逼身體痛不可言母  
飢之時腹中了レ亦如倒懸受苦無量至其  
滿月欲生之時頭下向產門如兩石夾山欲  
生之時母危父怖生墮草上身體細軟草觸  
其身如履刀劍忽然失聲大喚此是苦不諸

人咸言實是大苦何謂老苦父母養育至年  
長大自用強健擔輕負重不自裁量寒時極  
寒熱時極熱飢時極飢飽時極飽無有節度  
漸至年老頭白齒落自視眊眊耳聽不聰盛  
去衰至皮緩面皺百節痛疼行步苦極坐起  
呻吟憂悲心惱識神轉滅便旋即忘命日促

李四

三

盡言之流涕坐起須人此是苦不大王答曰  
實是大苦何謂病苦人有四大和合而成其  
身何謂四大地大水大火大風大一大不調  
百一病生四大不調四百四病同時共作地  
大不調舉身皆痛水大不調舉身胖腫火大  
不調舉身蒸熱風大不調舉身搖強百節苦

痛猶被杖楚四大進退手足不任氣力虛竭  
坐起須人口燥唇焦筋斷鼻折目不見色耳  
不聞音不淨流出身卧其上心懷苦惱言輒  
悲哀六親在側晝夜看侍初無休息甘饍美  
食入口皆苦此是苦不王荅曰實是大苦何  
謂死苦人死之時四百四病同時俱作四大  
欲散魂神不安欲死之時刀風解形無處不  
痛白汗流出兩手摸空室家內外在其左右  
憂悲涕哭痛徹骨髓不能自勝死者去之風  
去氣絕火滅身冷風先火次魂靈去矣身體  
健直無所復知旬日之間肉壞血流胖脹爛  
臭甚不可近棄之曠野衆鳥噉食肉盡骨乾  
髑髏異處此是苦不荅言實是大苦何謂恩  
愛別苦室家內外兄弟妻子共相戀慕一朝  
破亡爲人抄劫各自分張父東子西母南女  
北非唯一處爲人奴婢各自悲呼心內斷絕  
窈窕冥冥無有相見之期此是苦不荅言實  
是大苦何謂所求不得苦家有財物散盡追

求大官吏民望得富貴勤苦求之求之不止  
會遇得之而作邊境令長未經幾時貪取民  
物爲人告言一朝有事檻車載去欲殺之時  
憂苦無量不知死活何日此是苦不荅曰實  
是大苦何謂怨憎會苦世人薄俗共居愛欲  
之中爭不急之事更相殺害遂成天然各自  
相避隱藏無處各磨刀錯箭挾弓持杖恐忽  
相見會遇狹道相逢張弓注箭兩刀相向不  
知勝負是誰當尔之時怖畏無量此是苦不  
荅曰實是大苦何謂憂悲惱苦人生在世長  
命者乃至百歲短命者胞胎傷墮長命之者  
與斯百歲夜消其半餘有五十年在醉酒疾  
病不知作人已減五年小時愚癡十五年過  
未知禮儀年中八十老耄無知耳聾目冥無  
有法則復減二十年已九十年過餘十歲之  
中多有諸愁憂天下欲亂時亦愁天下旱時  
亦愁天下大水亦愁天下大霜亦愁天下大  
熱亦愁室家內外多諸病痛亦愁持家財物

去

四

治生恐失亦愁官家百調未輸亦愁家人遭  
縣官事閑繫在獄未知出期亦愁兄弟妻子  
遠行未歸亦愁居家窮寒無有衣食亦愁比  
舍村落有事亦愁社稷不辦亦愁室家死云  
無有財物殯葬亦愁至春時種作無有犁牛  
亦愁如是種種憂愁常無樂時至其節日共  
相集聚應當歡喜方共悲涕相向此是苦不  
答曰實是大苦尔時五王及諸群臣會中數  
千万人聞佛說諸苦諦心開意悟即得須陀  
洹道皆大歡喜作禮而去四王俱白普安王  
言大王真是大權菩薩化導我等今得道跡  
大王之恩我本觀諸宮殿心情愛著不能遠  
離今觀宮殿如視穢廁無可樂者即捨王位  
付弟出家為道修諸功德日日無倦

佛說五王經

五

佛說出家功德經

李四

失譯今附三素錄

如是我聞一時佛在毗舍離國食時到入城  
乞食時毗舍離城中有一梨車子名鞞羅羨  
那秦言譬如天與諸天女共相娛樂時此王  
子與諸婁女在閣上共相娛樂耽於色欲  
亦復如是尔時世尊以一切智聞彼樂音  
告阿難言我知此人貪五欲樂者不久命終  
却後七日當捨如是眷屬快樂決定當死阿  
難此人若當不捨欲樂不出家者命終或能  
墮於地獄尔時阿難頂奉佛教欲利益此王  
子故次至其舍尔時王子聞阿難在外即出  
奉見以敬念故請阿難入坐坐已未久尔時  
王子起恭敬心白阿難言善哉好親友來今  
正是時我今見汝踊躍歡喜汝字歡喜汝今  
當教告我佛所教法令我歡喜尔時王子如  
是三請阿難為欲作大利益默然無言王子  
又言鞞陀阿牟尼大仙利益一切衆生有何  
嫌恨默然無所說不見少告時第三師持佛